



REPUBLIKA E KOSOVËS - REPUBLIKA KOSOVA - REPUBLIC OF KOSOVO  
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL  
PANELI ZGJEDHOR PËR ANKESA DHE PARASHTRESA  
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

Anr.226/2025

Paneli Zgjedhor për Ankesa dhe Parashtresa (PZAP), në panelin e përbërë nga gjyqtarët: Hajriz Hoti, Kryesues, Kujtim Pasuli dhe Ramush Bardiqi anëtarë, duke vendosur përkitazi me ankesat e subjektit politik Lëvizja Vetëvendosje (LVV), me seli në Prishtinë, të paraqitur kundër subjektit politik Lidhja Demokratike e Kosovës (LDK), me seli në Prishtinë, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, gjatë fushatës zgjedhore, për Zgjedhjet e Përgjithshme për Kuvendin e Republikës së Kosovës, që do të mbahen me datë;09.02.2025, në seancën e panelit të mbajtur me datë;30.01.2025, merr këtë,

V E N D I M

I. Pranohet e bazuar ankesa e subjektit politik Lëvizja Vetëvendosje (LVV), me seli në Prishtinë, Anr.226/2025 e datës;27.01.2025,

II. Subjektit politik Lidhja Demokratike e Kosovës (LDK), me seli në Prishtinë, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, i shqiptohet dënimi më gjobë në lartësi prej 4000.00 (katërmije) euro,

III. Detyrohet Subjekti Politik Lidhja Demokratike e Kosovës (LDK), me seli në Prishtinë, që gjobën e shqiptuar si në pikën -II-, të dispozitivit të këtij vendimi, ta paguaj në afat prej 15 ditëve, nga dita e plotfuqishmërisë së këtij vendimi.

A r s y e t i m

Me datë;27.01.2025, PZAP-i, ka pranuar një ankesë nga subjekti politik, Lëvizja Vetëvendosje, (LVV), me të cilën pretendon se më 27 Janar 2025, Qendra e Lëvizjes Vetëvendosje në Prishtinë, kanë identifikuar baner/poster të vendosur në hapësirat/rrugët publike të kandidatit për deputet të LDK-së, Krenar Xhaferi, konkretisht në ndërtesën kolektive në lagjen “Bregu i Diellit”, në Prishtinë, përballë Fakultetit Teknik, ku me këtë veprim kandidati dhe subjekti politik LDK ka bërë shkelje të nenit 34, paragrafi 1, nën paragrafi 1.2 të Ligjit për Zgjedhjet e Përgjithshme në Republikën e Kosovës-LZP. Më tutje parashtresuesi i ankesës ka theksuar se përmes këtij veprimi subjekti përkatës, ka cënuar rëndë dispozitat përkatëse ligjore, andaj duke u mbështetur në bazën ligjore dhe argumentet e lartcekura, gjithashtu bazuar tashmë në praktikën e PZAP-së, mes tjerash me vendimet A.nr.79/2025, A.nr.65/2025, A.nr.58/2025, A.nr.48/2025, A.nr.49/2025, A.nr.50/2025, A.nr.51/2025, ka kërkuar që masa e sanksionit të vendoset në përputhje me legjislacionin në

fuqi. Si provë ka bashkangjitur një foto që dëshmon vendosjen e banerëve/posterëve në kundërshtim me LZP.

Më datë;28.01.2025, PZAP-i, e njoftoi Subjektin Politik, Lidhja Demokratike e Kosovës (LDK), për ankesën e paraqitur kundër tyre, duke i dërguar kërkesë për përgjigje deri me datë;29.01.2025 në ora 10:00.

Në përgjigje në ankesë të paraqitur më datë;29.01.2025, subjekti politik Lidhja Demokratike e Kosovës (LDK), theksohet se, në rastin e ankesës A.nr.226/2025 kemi të bëjmë me një poster të vendosur nga kandidati, Krenar Xhaferi në një ndërtesë në Prishtinë, për të cilën është dhënë pëlqimi verbal nga pronarët e banesave për vendosje të materialit të tillë zgjedhor, dhe përmes përgjigjes në ankesë ka kërkuar nga PZAP që të marrë vendim meritore për rastin në fjalë, si dhe ka kërkuar që ankesa e subjektit LVV të refuzohet si e pa bazuar.

Paneli, pasi që shqyrtoj të gjitha shkresat e lëndës vëren se ankesa është e bazuar.

Paneli pas shikimit të shkresave të lëndës dhe përgjigjes në ankesë të paraqitur nga Subjekti Politik LDK, vlerësoj se pretendimet e Subjektit Politik LVV, janë të qëndrueshme dhe si të tilla i aprovoj për faktin se veprimet e përshkruara në ankesë paraqesin shkelje të dispozitës së nenit 34 paragrafi 1 nën paragrafi 1.2 i Ligjit NR.08/L-228, për Zgjedhjet e Përgjithshme në Republikën e Kosovës, ku parashihet se *“Vendosja e njoftimeve, pllakateve dhe posterëve, ose përndryshe vendosja e emrave të tyre ose sloganeve në lidhje me fushatën zgjedhore brenda ose jashtë ndërtesave publike ose godinave në apo mbi rrugët publike, në shenjat publike të trafikut brenda ose jashtë hapësirave ose ndërtesave të zëna ose ndryshe që shfrytëzohen nga organizatat ndërkombëtare ose brenda ose ne hapësirat private pa lejen e pronareve ose shfrytëzuesve.”*

Në rastin konkret pretendimet ankimore që kanë të bëjnë me kandidatin në fjalë janë të bazuara për shkak se i njëjti e ka vendosur posterin në ndërtesën kolektive në lagjen “Bregu i Diellit”, në Prishtinë, përballë Fakultetit Teknik, pa pëlqimin dhe lejen e pronarve ose pëlqimin nga Organi Kompetent të drejtorisë përkatëse të Komunës së Prishtinës, dhe se veprimet e tilla paneli i konsideron si shkelje të nenit 34 paragrafi 1 nën paragrafi 1.2 të Ligjit NR.08/L-228, për Zgjedhjet e Përgjithshme në Republikën e Kosovës.

Paneli vlerësoj se pretendimet e tilla janë të qëndrueshme dhe si të tilla i pranoi, sepse kjo shkelje ka të bëjë me faktin se Kodi i Mirësjelljes i detyron të gjitha subjektet politike, kandidatët, anëtarët e subjekteve dhe mbështetësit e tyre që ta respektojnë këtë kod me qëllim të krijimit të kushteve që gjatë periudhës së fushatës, veprimet e subjekteve politike të jenë në një atmosferë të tolerancës demokracisë, paqes dhe respektit për sundimin e ligjit se nga veprimet e përshkruara në ankesë nga parashtruesi i ankesës paraqesin shkelje të dispozitave të lartcekura, dhe të njëjtën e pranoi si të bazuar.

Paneli, me rastin e vendosjes se gjobës si në dispozitiv të këtij vendimi, ka marrë parasysh të gjitha rrethanat si në vijim: natyrën e shkeljes dhe ndikimit të mundshëm të saj në procesin zgjedhor në fjalë, shkallën dhe peshën e shkeljes, se veprimi që përben përsëritje të shkeljes

për nga natyra është i njëjtë apo ngjashëm, subjektit politik që ka bërë shkelje të legjislacionit zgjedhor, apo ka bërë shkelje të legjislacionit edhe në proceset e mëparshme zgjedhore, që konsiston në faktin se subjekti politik LDK, ka qenë i njoftuar me obligimet dhe përgjegjësit gjatë procesit të fushatës.

Pretendimi subjektit politik Lidhja Demokratike e Kosovës në përgjigjen në ankesë se baneri/posteri i vendosur nga radhët e LDK-së është vendosur në ndërtesën kolektive në lagjen “Bregu i Diellit”, në Prishtinë, përballë Fakultetit Teknik, me pëlqimin verbal nga pronarët e banesave, ky pretendim është i pa bazuar, pasi që në përgjigjen në ankesë, nuk është bashkangjitur asnjë pëlqim me shkrim nga pronarët e banesave dhe se nuk është bashkangjitur asnjë leje përkatëse nga organi kompetent komunal për shfrytëzimin e hapësirës, përkatësisht, ndërtesa kolektive.

Nga arsyet e theksuar më lartë duke bazuar nenin 117 paragrafi 3, neni 118 paragrafi 1 dhe neni 120 paragrafi 1 nen parafi 1.3 të LZP-së, të LZP-së, paneli vendosi si në dispozitiv të këtij vendimi.

Paneli Zgjedhor për Ankesa dhe Parashtresa  
Anr.226/2025, datë;30.01.2025

Kryesues i Panelit  
Hajriz Hoti

Këshillë Juridike: Kundër këtij vendimi nuk është e lejuar ankesa sipas nenit 118 paragrafi 4 të LZP-së.

